

Radunanza generala 2023
Venderdi, 17 november 2023, a las 20:00 h
al Restorant Center da Sport, Zernez



Preschaints: 17

S-chüsats: Heidi Haller, Flurin Lehner, Guido Zellweger

Tractandas:

1. Tscherna scrutinadur/-a
2. Approvaziun dal protocol radunanza generala 18-11-2022, publichà www.cdssarsura.ch
3. Rapport dal president
4. Rapport dal schef nordic
5. Rapport manadra OJ
6. Rendaquint 2022/23 e rapport dals revisurs
7. Fixaziun da la contribuziun
8. Reelection: suprastanza e revisurs
9. Commembers novs e demischiuns
10. Program da l'on 2024
11. Comunicaziuns e varia

Il president Marco Eichholzer driva la sezzüda a las uras 20.05 h.

1. Tscherna scrutinadur/-a

Sco scrutinadur vain tschernü Riet Felix.

2. Approvaziun dal protocol, publichà sün www.cdssarsura.ch

Il protocol da la radunanza generala dals 18 november 2022 d'eira publichà sün nossa pagina d'internet e vain approvà unanimamaing.

3. Rapport dal president

Il president cumainza seis rapport cun ün sguard inavo sün la stagiun passada.

Il passlung da not ha pudü gnir manà tras be grazcha la naiv artificiala. Listess vain gnü 126 curridurs. Il rebomb es stat tras oura positiv.

Il passlung da not ed il Zernezer sun gnüts manats tras la prüma vouta cun la nouv'ura. Tenor Marco es quai stat üna buna investiziun.

Maloja-Zernez vaina stuvü sdir giò. Da 135 atlets annunzchats han 132 da quels as laschè surportar sül MZ 2024.

Pro'ls maratons vaina darcheu fat las ustarias. Müdamaints da furniturs ans han dat ün pa da far. L'ora plü buna sco previsa ans ha eir dat da far, uschè cha fingià a las 15.00 h d'eiran finidas las mangiativas e bavrondas.

Per el es il punct culminant però stat la victoria da Giuliana aint illa categoria da las duonnas cul obligat retschaivimaint ed aperitiv sponsorisà dad Andrea e Christian giò'l hotel dal uors.

A la fin da seis pled ingrazcha el amo a seis collegas da la suprastanza, al cumün ed a tuot il agüdants.

4. Rapport dal schef nordic

Corsin ingrazcha a tuot ils agüdants dal passlung da not e dal passlung popular per la lavur prestada.

El ingrazcha eir a tuot ils manaders ed agüdants da l'OJ e declera cha otras societats, per part bler plü grondas sco l'SZ nu rivan da motivar a lur atlets da tour part gnanca a cuorsas regionalas. Pro SZ invezza ha quasi mincha curridur as partecipà almain ad ün evenimaint.

Implü tira el adimaint ad üna stagiun cun paca naiv chi ha pretais dals organisaturs amo ün sforz special. Per pudair manar tras il Zernez han divers commembers stuvü ir las sairas avant la cuorsa aint in Prà da Punt a ramassar e büttar aint naiv sün la loipa. La cuorsa da Malögia a Zernez nun ha displaschaivelmaing pudü gnir manada tras. La situaziun da naiv sül god da Staz, in Val Flin, Val Mela ed il glatsch sün la via da Tantermozza nun han permiss üna partenza.

5. Rapport manadra OJ

Flurina manzuna in seis rapport cha l'OJ da SZ stagiun 22/23 as ha missa insembel our da 10 uffants pro l'OJ I e 8 uffants pro l'OJ II. Intant cha l'OJ I trenaiva in prüma lingia il marcurdi davomezdi vaiva l'OJ II in lündeschdi saira amo trenamaints da tecnica e cundiziun. Vers la fin da la stagiun han singuls exponents da l'OJ I ris-chà da's participar a quels trenamaints. Eir causa cha quai ha funcziunà dret bain as prouva sün prosma stagiun dad integrar ils giuvens atlets aint ils trenamaints dal lündeschdi. Tenor Flurina permetta la situaziun da muossadras relativ confortabla da provar ün tal experimaint.

La stagiun 22/23 han els cumanzà in october in sala e fini in marz süls skis.

Flurina manzuna cha pel mumaint ha l'OJ SZ üna buna squadra chi prouva da sustgnair tenor pussibilità e savair ün a l'oter.

Cun la glista da kilometers dal RPN as motiveschan ils curridurs svesch da trenar e voutan savair subit davo mincha trenamaint quants km chi das-chan notar sün lur glista.

Ella quinta sü a che evenimaints ch'els han tut part e nomna specialmaing:

Il di da sport grischun, la cuorsa da biatlon a Samedan, las maestranzas grischunas a Ftan e las cuorsas dal RPN Cup inua chi clappan eir ün premi.

Singuls as han partecipats ad üna o tschella cuorsa dal BSV nordic Cup. Maura e Giana sun dafatta currüdas a las concorrenzas da la Helvetic Trophy.

Eir quist on han els fat culs uffants „grittibänz“ e tils vendü al marchà d'Advent.

Flurina ingrazcha a tuot ils uffants chi vegnan a güdar pro'l Malögia-Zernez, maraton da duonnas e maraton.

Ella fa uossa blers ons la manadra e pensa da schmetter plan planet, quist on vout ella però amo manar inavant l'OJ.

6. Rendaquint e rapport dals revisurs

Tamara Zellweger preschainta il rendaquint per l'on 2022/2023 in detagl. La società ha fat üna perdita da fr. 5'174.00. La facultà dal club s'amunta als 31.10.2023 sün fr. 108'916.00.

Ils revisurs Stefan Triebs e Flurin Lehner, chattan cha la contabilità saja manada in bun uorden e giavüschan da dar dis-charg a la chaschiera.

Il rendaquint vain acceptà unanimamaing.

Stefan Triebs disch cha la società stetta finanziaimaing plüchöntschi bain e stuvesch stübgjar da far investiziuns in material ed infrastruttura.

Tamara nomna amo ün import da fr. 3'000.00 chal cds ha clappà dal maraton per l'ingaschamaint ESM 23. Ils raps sun rivats pür davo cha'l rendaquint d'eira fat.

Stefan Triebs renda attent cha quai tress cun sai üna nouva revisiun dal quint e fa la proposta da metter quel import sün las entradas da la stagiun 2023/24.

7. Fixaziun da la contribuziuns

Marco propuona da laschar las contribuziuns inavant sün l'import cha vaivan fixà nouv be l'on passà.

La proposta vain acceptada unanimamaing.

8. Reelegziun suprastanza e revisurs

Pervi dal virus da Corona sun las reelegziuns periodicas da 2 ons crodadas our dal ritem. Marco propuona pervi da quai da reelegger güst tuot il team.

La proposta vain acceptada unanimamaing.

Tuot ils suprastants vegnan reelets unanimamaing.

Stefan Triebs da la demischiun da sias caricas sco revisur da quint e responsabel per las loipas da cuorsa sün prossem on.

9. Commembers nouvs e demischiuns

Commembers nouvs Nicole Naue

Demischiuns: ingüns

10. Program da l'on 2024

03.01.24 Passlung da not

18.02.23 Passlung popular da Zernez

24.02.23 Maloja / Zernez

03.03.23 Maraton da duonnas

10.03.23 Maraton Engiadinais

Mai/gün 2024 Tschaina da voluntaris

11. Comunicaziuns e varia

Arno Tragust da giò davo 21 ons seis uffizi da guardgia chamonna da Bellavista.

Fadri Duschletta chi gūdaiva fingià avant ad Arno a metter in uorden las lavurs variadas sü Bellavista, as metta a disposiziun per custodir in avegnir la chamonna.

Riet chi ha güdà ils ultims ons in diversas funcziuns a la società ha fini sias caricas.

El as declera però pront da gūdar eir in avegnir al club cun seis savair.

Riet ingrazcha al cds pel regal ed a Giana e surtuot a Marco per avair surtut sia plaiv.

Corsin ingrazcha a Flurina e las manadras da JO per l'ingaschamaint.

Marco serra la sezzüda a las uras 21.00h e giavüscha a tuots üna bella saira.

Zernez, ils 17-11-2023

L'actuara: Sandra Werro